

բազում խնդութեամբ բերին 'ի Ղալաթիա 'ի Մարտի 22:

Յետ այնորիկ ետ ընտրել Նղիազար ժողովրդոց զՄարտիրոս վարդապետ Կաֆացի Պատրիարք Կոստանդինուպօլսոյ՝ տուեալ նաւ 40,000 դահեկան 'ի սատար պիտոյից իշխանութեանն, եւ առեալ հաւանութիւն 'ի մեծ մասնէ ժողովրդեան՝ մատոյց զիր աղաջանաց առ Եսպարքոսն, և նստոյց զՄարտիրոս Պատրիարք թաղաւորեալ քաղաքին առանց ձեռնադրութեան եպիսկոպոսութեան, և եհան 'ի հրովարտակէ Պատրիարքութեան Կոստանդինուպօլսոյ ըզտէրութիւն իշխելոյ 'ի վերայ Երուսաղէմի: Յետ հանդարտելոյ սակաւ ինչ մեծի խռովութեանն, որ տեւեաց զամիսս 8, եւ հաշտելոյ երկուց կողմանց միջնորդութեամբ խաղաղասէր անձանց և խորհրդով Մարտիրոս Պատրիարքի, և վճարելոյ 414,000 դահեկան պարտոն, զոր արարեալ էին 'ի պատճառս մահուն Թովմայի, փոյթ կալան այնուհետեւ դտանել հնարս վասն աղատութեան Ս. Յակոբայ, զոր առին Յոյնք. և Նղիազար վարդապետ յորդոր լեալ մեծամեծացն՝ ետ նոցա ժողովել դրամս 'ի պատճառս այսր, և սպասել յաջող ժամու:

Եւ եղև 'ի մատուցանել վերստին Նղիազարու զիր աղաջանաց առ Եսպարքոսն յԱդրիանուպօլիս վասն իրաց Ս. Յակոբայ, առաքեաց նա յԵրուսաղէմ հանդերձ գրով զմի ոմն 'ի սպասաւորաց իւրոց Մուստաֆայ անուն՝ առ 'ի ըստուգել և տեղեկանալ զհանրագրոյն, զոր առեալ էր յառաջագոյն Աստուածատուր Պատրիարք՝ որպէս գրեցաք: Եւ նորա հասեալ յԵրուսաղէմ, մատոյց զգիր Եսպարքոսին առ դատաւորն եւ զգիր վկայութեան այլադգեացն Երուսաղէմի կնքեալ և ստորագրեալ 'ի նոցունց, որ ունէր օրինակ զայս: «Հայք բնակեալք 'ի դարուց և 'ի ժամանակաց հետէ յԵրուսաղէմ, ունելով ինքեանց սեփհական ժառանգութիւն զվանօրայս Ս. Յակոբ, Ս. Փրկիչ, Ս. Հրեշտակապետ, զվանս Բեթղէհէմի, յոր մտանեն յերկաթեայ դրանէ, որ 'ի մէջ մեծի եկեղեցւոյն, պարտէզ և ծառատունկ անդ, զսենեակսն որ 'ի վերայ երկաթի ներքին դրան, գիտեմք զի Հայք տիրեալ և ժառանգեալ են այնոցիկ, և զայլ ոք ոչ գիտեմք: Ապա խնդրեաց պաշտօնեայն 'ի դատաւորէն կոչել զայլադգիսն զայնոսիկ, հար-